



Republika e Kosovës – Republika Kosova  
Paneli Zgjedhor për Ankesa dhe Parashtrësia  
Izborni Panel za Žalbe i Predstavke

Anr.105/2019

**Paneli Zgjedhor për Ankesa dhe Parashtrësia (PZAP)**, në panelin e përbërë nga gjyqtarët: Zyhdi Haziri kryesuese, Kimete Kicaj dhe Ferki Xhaferi anëtarë, me pjesëmarrjen e Zyrtaarit të Lart Ligjor Kudret Hasani, duke vendosur përkitazi, me apelin e Dashurije Hasanaj, të paraqitur kundër vendimit të datës 19.09.2019, të Komisionit Qendror të Zgjedhjeve (KQZ), me seli në Prishtinë, për shkak të mos përfshirjes në listën e votuesve jashtë Kosovës, për Zgjedhjet e Parakohshme për Kuvendin e Republikës së Kosovës, të datës 06.10.2019, në seancën e panelit të mbajtur me datë 30.09.2019, mori këtë:

### V E N D I M

**Refuzohet i pabazuar** apeli Anr.105/2019 i datës 20.09.2019, i paraqitur nga Dashurije Hasanaj, kundër vendimit për certifikimin e listës së votuesve jashtë Kosove, të datës 19.09.2019, të Komisionit Qendror të Zgjedhjeve (KQZ), me seli në Prishtinë.

### A r s y e t i m

Paraqitësja e apelit, pretendon se ju është bërë e pa drejtë pasi që nuk ishte në listën e certifikuar të votuesve nga KQZ-ja me datë 19.09.2019. Mëtej paraqitësja e apelit thekson se me datë 06.09.2019, kishte aplikuar për të hyrë në listë të votuesve jashtë Kosovës, ndërsa e njëjta me datën 19.09.2019, ka marrë informacionin nga KQZ-ja, se kërkesa e saj është refuzuar.

Paneli, pasi që shqyrtoi dhe vlerësoj të gjitha pretendimet e apelit, në kuptim të nenit 117 par. 2 të LZP-së, gjeti se: **Apeli është i pabazuar**

Paneli, vlerësoi se apeli është i pabazuar pasi që paraqitësja e apelit, pretendimet e saj nuk i ka mbështetur me asnjë provë shkresore, apo dokumentacion valid siç kërkohet me nenin 90 të LZP-së, Prandaj, nga arsyet e theksuara më lart si dhe duke u bazuar në dispozitat e nenit 117 par. 3, dhe 118 par. 1, të LZP-së, vendosi si në dispozitiv të këtij vendimi.

**Paneli Zgjedhor për Ankesa dhe Parashtrësia**  
Anr.105/2019 më datën 30.09.2019.



**Këshillë Juridike:** Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimi të këtij vendimi.